

Kanton Sarajevo  
Skupština Kantona Sarajevo  
Admela Hodžić Klub SDA

Kanton Sarajevo  
Ministarstvo zdravstva Kantona Sarajevo

## ZASTUPNIČKA INICIJATIVA

Podnosim inicijativu Ministarstvu zdravstva za nabavku nove laboratorijske opreme, angažovanje biohemičara u Domu zdravlja Hadžići i formiranje mobilnog tima laboratorije za mjesne ambulante Tarčin i Pazarić.

## OBRAZLOŽENJE

Općina Hadžići je poslala početkom juna 2018. godine prijedlog Sporazuma o udruživanju sredstava prema Ministarstvu zdravstva KS kako bi se završili građevinski radovi rekonstrukcije i nabavka opreme za prostorije Službe za laboratorijsku dijagnostiku Doma zdravlja Hadžići. Predloženo je da Općina izdvoji 100.000 KM i isto toliko Ministarstvo zdravstva KS.

Krajem prošle godine okončani su radovi rekonstrukcije prostorija Službe za laboratorijsku dijagnostiku Doma zdravlja Hadžići. Općina je u ovaj projekt investirala 58.000 KM te na taj način dodatno poboljšala kvalitet zdravstvenih usluga našim građanima. Na žalost, Ministarstvo zdravstva Kantona Sarajevo se oglušilo na poziv Općine Hadžići da se za ovu laboratoriju nabavi i nova oprema.

Općinski načelnik je pokrenuo ovakvu jednu humanu inicijativu na zahtjev i pritužbe građana a koje se odnose na sljedeće nedostatke:

- U postojećoj laboratoriji se ne mogu dobiti laboratorijski nalazi. Kad se ostavi uzorak rezultati se mogu dobiti tek sljedeći dan u 15 sati, a ako se krv i urin daju petkom, pacijentima su nalazi dostupni tek u ponedjeljak u 15 sati.
- U postojećoj laboratoriji nema zaposlen niti jedan biohemičar uz adekvatnu opremu kako bi se laboratorijski nalazi dobili isti dan u 15 sati kao u ostalim domovima zdravlja.

- Sanitetsko vozilo iz Doma zdravlja Hadžići vozi uzorke svaki dan u Dom zdravlja u Novom Gradu ili u Dom zdravlja na Ilidži i zauzeto je svaki dan do 12 sati, što trpe pacijenti u slučaju potrebnog hitnog ili redovnog prijevoza nepokretnih pacijenata koji moraju ležati.
- Doktori i ostalo medicinsko osoblje u ambulancama Tarčin i Pazarić vode brigu o približno 12.000 pacijenata od kojih je značajan broj teže oboljelih i starijih osoba koji nisu u mogućnosti bez tuđe pomoći doći u Dom zdravlja Hadžići, zbog udaljenosti preko 10 km. Ovakvim pacijentima posebno je obezbijediti da uz pomoć mobilnih timova ostave laboratorijske uzorke u mjesnim ambulancama minimalno dva puta sedmično.
- Da bi naši dijabetičari uradili nalaz za tromjesečni šećer ili stručno rečeno HbA1c moraju otići na KCUS i to dva puta, jednom da daju uzorak a drugi put po nalaz. Isti nalaz mogu uraditi i u apotekama koji košta oko 20,00 KM. Ako znamo koliko ovakvi pacijenti troše novca zbog ovog teškog oboljenja, znamo koliko je neophodno omogućiti da se isti nalaz HbA1c ( tromjesečni šećer) radi i u Domu zdravlja Hadžići kako se ne bi izlagali dodatnim troškovima.

Želimo svim snagama omogućiti bolji i kvalitetniji život i adekvatnu zdravstvenu zaštitu stanovnicima općine Hadžići.

Molim nadležne da što prije razmotre ovakvu jednu humanu inicijativu i iznađu sredstva da je ovaj projekt završi.

Admela Hodžić

Zastupnica SDA u Skupštini Kantona Sarajevo

Sarajevo, 26.03.2019. god.